

33

DE PARTU. THESES

ANATOMICO-CHIRURGICÆ,

*Quas, Deo juvante, & Præside M. PETRO SUE
juniore, Antiquo Scholarum Præfecto, Regiæ
Academiæ Chirurgicæ Consiliario, Antiquo Chi-
rurgiæ & Anatomici in Scholis Præcticis Professore
ac Demonstratore, Urbis Basilicæ Chirurgus ordi-
nario, nec-non Academiarum Monspeliensis,
Rothomagensis, Divionensis, Lugdunensis, &
Burdigalensis Socio, tueri conabitur FRANCISCUS-
RENATUS PEAN, Parisinus, Artium Liberalium
in almâ Universitate Parisiensi Magister, Theses
auctor.*

*Die Sabbati vigesimâ-quintâ mensis Julii, anno salutis 1778,
à sesqui-secundâ post meridiem ad septimam.*

PARISIIS,
IN REGIIS CHIRURGORUM SCHOLIS,
PRO ACTU PUBLICO
ET
MAGISTERII LAUREA.



Typis MICHAELIS LAMBERT, Regii Chirurgiæ
Collegii Typographi, viâ Cithareâ.

M. DCC. LXXVIII.



D. O. M.
POSITIONES
ANATOMICÆ ET CHIRURGICÆ
DE PARTU.

EX ANATOMIA.

PARTIUM sexûs fœminini aliæ internæ, aliæ externæ: præcipuæ internarum, vagina & uterus: reliquæ, tubæ fallopîi, ovaria, vasa spermatica, ligamenta tùm lata, tùm rotunda. Partes externas, pubes, alæ, nymphæ, clitoris, orificium urethræ & vagina constituunt.

Vagina canalis est membranaceus à pudendo ad uterum usque protensus, in hypogastricâ pelvi, vesicam inter & rectum, quibus coheret, positus. Non una eademque est hujus in omnibus

species. In his longa, ampla, intus levigata, in illis brevior, strictior, rugis instructa evadit.

Uteri inter vesicam & intestinum rectum situs: corpus interius cavum, mediocriter durum, in statu naturali figuram lagenæ complanatæ ferè refert; longitudo in adultis tres circiter digitos transversos, crassities unum digitum transversum, latitudo verò, versùs unam extremitatè, duos, & versùs alteram vix unum adæquat. Portio latissima *fundus*, & angustissima *collum* appellatur. Situs uteri obliquus est, ita ut fundus posterior & superior, collum anterior & inferior sit. Tres anguli in utero; duo fundum in dextro & sinistro latere, per ductus admodum angustos, qui vix setam porcinam admittere possunt, perferant. Tertius ductum complanatum minusque angustum efformat, qui per aperturam transversam in extremitate colli desinit & *orificium uteri internum* salutatur. In hujus margine plura reperias parva foramina, parvis granis glandulosis respondentia, & è quibus lymphæ glutinosa exudat.

Interna cavitatis uteri superficies membranâ subtilissimâ investitur, cujus portio angusta, quæ ad orificium ducit, peculiari modo rugosa existit. Portio autem quæ fundum contegit quàm plurimis satis perspicuis foraminibus perforatur, per quæ, toto uteri corpore compresso, sanguinis guttulæ prodeunt: subtilissimis pilis obsita & quasi villosa esse quandoquæ videtur hæc pars; rubicunda & sanguine tincta inventa in mulieribus, mensium tempore mortuis. Lineæ atque rugæ obliquè transversæ, plus minusve inæquales, per totam uteri internam longitudinem conspiciuntur, & in earumdem intervallis plura parva grana globosa atque transparentia, quæ recentiorum quidam pro ovulorum specie habuit.

Textus corporis uteri spongiosus, vasis intertextus, admodumque strictus perspicitur. Crassities ubiquè non eadem: fundus in medio crassior quàm versùs duos Angulos, ubi cras-

fries per gradus imminuit. A portione peritonei, quæ eidem tunicæ loco est, cooperitur uterus, & istius quæ vesicam atque intestinum rectum investit continuatio sive continuïtas [est : sed juxtâ totam cujuslibet partis lateralis sive marginis uteri longitudinem, duplicationem latam efformat, in utrumque latus, usquæ ad partem lateralem vicinam cavitatis pelvis, sese extendens, & speciem quasi septi membranacei simulans.

Hæ duplicationes laterales nomine *ligamentorum latorum* gaudent. *Alæ* quoque *vespertilionum* appellantur : ex his duæ parvæ peculiâres duplicationes exurgunt, *parvæ ligamentorum latorum alæ à Winslowio* vocatæ. Harum duplicationum laminæ, mediante textu celluloso, cohærent, & partes mox describendas includunt.

Ovaria duo albicantia & longiuscula corpora sunt, ad latera uteri fundi sita, ubi per ligamenti rotundi speciem quodlibet annectitur, & in parvæ alæ ligamenti lati posterioris duplicatione involvitur. È textu spongioso admodum stricto, atque ex pluribus parvis globulis sive vesiculis maximè pellucidis componuntur ovaria. Spongiosus textus quamlibet harum vesicularum arctissimè circumdat, atque etiam cuilibet corticis sive calicis speciem largiri videtur, quæ ab aliis vesiculis præternaturalibus, *hydatidibus* appellatis, benè distingui debet. Ligamenta ovariorum funiculi quasi rotundi & è textu filato fabrefacti sunt, qui unâ extremitate angulo fundi uteri pauxillum suprà horisum-talem hujus fundi lineam & pauxillum posteriùs annectuntur. Cavi esse credebantur, & tanquàm vasa deferentia spectabantur.

Tubæ fallopii sunt duo canales molliusculi, conici, & vermiformes, in quolibet uteri latere ab hujus fundo usque ad partes pelvis laterales plus minusve transversim siti. Quælibet tuba angulo fundi uteri angustâ suâ extremitate connectitur, ibique hiat, setam leviter crassam admissura. Hujus postmodum

diameter per gradus crescit, & quatuor circiter lineas adæquat. Corpus tubarum serpentino parumper tractu procedit & earum magnæ extremitates versùs ovaria incurvantur, ubi in angustum & paulo plicatum orificium, quòd instar speciei membranaceæ, plicatæ & incisæ fimbriæ, latiùs evadit, desinunt. Fimbria hæcce *vexillum* tubæ fallopianæ dicitur. Hujus latitudo non ubiquè æqualis: in circumferentiâ suâ quasi ovalis. Tubæ fibris carnosiss componuntur, aliis longitudinalibus, aliis obliquè circularibus, omnibus autem aliâ substantiâ admodùm subtili ornatis atque implicitis. Anterior ligamenti lati ala utrique tubæ insertionem præbet & loco tunicæ communis sive externæ est. Indè tubarum & imprimis earum fimbriarum major minorve fluctuatio, & indeterminata directio. Cavitas earum à molliusculâ & glandulosâ quasi membranâ investitur, juxtâ longitudinem plicis corrugatâ, quæ in crassis extremitatibus magis elevata atque robustiores quàm alibi existunt. Crassities earundem spongiosa quasi est, & earum interstitia limphâ, quæ continuè inde exodat, irrorantur.

Vasa sanguifera partium modò descriptarum, arteriæ sunt atque venæ hypogastricæ, quarum ramusculi ad corpus uteri precipuè pertinent, sic dicta *vasa spermatica*; atque duo funiculi vasculosi, communiter *ligamenta rotunda* dicti, sed quæ *vasculosi uteri funiculi* potius vocari possent. Ramì hypogastrici arteriosi atque venosi cum spermaticis & cum vasculosis ligamentorum latorum fasciis atque cum hemorrhoidalibus communicant sive anastomoses alunt quæ, factis antea convenientibus ligaturis, per injectiones frequentes demonstrantur. Venæ hoc peculiare habent, quòd cum venis hemorrhoidalibus internis & per consequens cum venâ-portâ communicationem alant. Extrà abdomen non egrediuntur vasa spermatica, sed in ovaria tubasque sese conferunt. Ligamenta rotunda duo longi fasciculi sunt arteriarum venarumque admodùm tenuium, per subtilissimum

textum cellulofum fibi invicem implicatarum, quæ, in crassitiem magnæ ligamentorum latorum duplicationis, ab utroque fundi uteri angulo usque ad annulares abdominis aperturas, repunt. Quilibet funiculus, per totum huncce trajectum, in anteriore duplicationis utriusque ligamenti lati facie elevationem efformat, ità ut lamina ejusdem lateris, id est, anterior, speciem tunicæ fasciculo vasculoso præbeat. Funiculi hi è spermaticorum vasorum cum hypogastricis vasis communicatione oriri videntur. Postmodum iter vasorum spermaticorum itineri in viris simile ferè instituunt, & è pelvi, per aperturas musculorum abdominis, usque ad superiorem & ferè mediam inguinum partem, ubi in pinguedine finem inveniunt, egrediuntur. Ex abdomine egressi, à texti cellulosi peritonei continuatione & à fasciculo fibrarum carnosarum comitantur.

Præter cuncta hæc vasa, nervi & vasa lymphatica reperiuntur, quibus ductus lactei, qui ibidem in statu procedentis graviditatis deteguntur, addi possunt. Nervi à lumbaribus, sacris & magno sympatico nervo proveniunt. Vasa lymphatica precipuè in tunicas, quæ peritonei continuationes sunt, repunt. Quòd lacteos ductus attinet, de iis, uti etiam de peculiaribus fibris, in crassitie parietum uteri tempore graviditatis implicatæ esse visis, quarumque intimæ, quoniam in hocce statu instar vorticum disponuntur, *Ruyschio* occasionem subministrarunt ut easdem sub nomine *musculi orbicularis uteri* specialiter descriperit, sermonem hîc instituere programmati limites non sinunt. Eâdem pro causâ de ossibus pelvim constituentibus, sicut & de partium muliebrium generationi inservientium externarum situ, dispositione, ac structurâ nihil dicemus; sed cuique interroganti, pro viribus nostris, dabimus responsionem.

EX CHIRURGIA.

Partus est fœtus ex utero exitus : dividitur generatim in naturalem , non-naturalem & contra-naturam. Admissâ autem allegatâ definitione , tertia species vana nobis videtur , siquidem non reverâ sit partus , sed operatio Chirurgica quâ novum iter infanti parere cogitur obstetricans , ut in sectione cæsareâ. Hoc posito , quidquid ad partum tum naturalem , tum non-naturalem pertinet diducere hîc sufficiat nobis.

Pauca de primâ partûs specie dicenda , cum ille sit qui parum succurrente arte , absolvitur , fœtu & secundinis solius naturæ conatu plerumquè prodeuntibus. Quid enim in hoc casu præstat obstetricans ? Quodnam illius munus ? Accidentia , si superveniunt , sublevare , membranas non-nunquam perfodire , quandò reluctantem obicem efformant , fœtum recipere , sectionem funiculi umbilicalis perficere , & in quibusdam circumstantiis scapularum egressum juvare.

Partus autem non-naturalis ab arte ferè omnis perficitur : plurimæ enim ejusdem removendæ sunt causæ , vel à placenta , vel à fœtu vel à matre pendentes , & hæ sunt , 1°. à placenta : quandò primum in partu occurrit , vel post partum in utero diutiùs remanet , quandò funiculus umbilicalis ante fœtum exit , vel si longior membranarum spissitudo sit. 2°. A fœtu : caput ejus amplius vel hydropicum , vel perversum habens situm , vel mortuum , vel portentosum , vel duplex. 3°. A matre , si obliquus sit uterus , iners , malè situs , è naturali suâ sede delapsus , si vitio quodam laboret cervix ejusdem aut vagina , si adsint in pudendis cicatrices , si deniquè mala sit ossium pelvis conformatio. Singulæ nunc hæ causæ separatim discutiendæ , mediaque his obstaculis tollendis idonea docenda ,

12. *Partus à placentâ laboriosus.* Rara non est placentæ ab utero desunio, præcipuè duobus in casibus: 1º. cum brevior est funiculus umbilicalis, vel foetus aliquam partem circumdat, 2º. post lapsum vel ictum, instanti partûs tempore; avulsâ enim placentâ, gravis sequitur hæmorrhagia, inde citò succurrenda mater, & partus promovendus. Satis idè vel naturaliter vel ab arte aperto uteri orificio, corpus molle & spongiosum persentitur, quod est placenta; ea versùs latus vel dextrum vel sinistrum propellenda, ad membranas attingendas & aquarum exitum consulendum, perforatis unguibus iisdem. Si hujus impossibilis sit à suâ fede divulsio, eadem dilaceranda cum membranis; & tunc, agnito foetus situ, hujus extractio vel per caput vel per pedes, pro variâ ejusdem positione, moliatur.

Intimam cum uteri parietibus adhæSIONem placentæ superesse post partum non-nunquàm evenit, quòd ejusdem extractionis resistantia ac difficultas manifestè declarant. Duæ tunc in funiculo ligaturæ sunt agenda, una duobus transversis digitis ab umbilico, altera quatuor transversis digitis altius, sectoque inter has ligaturas funiculo, foetus extrahatur. Funiculus tunc cum linteo sicco & vetusto, ne fugiat, manu sinistra arripiendus, & digito indice, oleo vel butyro inuncto, per funiculi longitudinem usquè ad uteri orificium, vel etiam profundius, si sit possibile, introducto, in latus modò dextrum, modò sinistrum, in partem modò superiorem, modò inferiorem dirigatur ille, ad placentam disturbendam ejusdemque detractionem operandam. Hoc si non succedat, placenta per ipsam funiculi implantationem, mediante digito indice, arripienda, non autem in hujus peripheriâ, ne pro eâ uterus arripiatur. Maxime etiam cavendum in hac operatione, ruptio funiculi ne

eveniat : extractio autem multò facilior , quandò , ut sæpe fit , aliqua placente portio jam separatur ab utero , siquidem tunc sufficiat digito separationem perficere , dùm alio digito repellitur uterus.

Exeunte funiculo umbilicali ante fœtum , ruptis vel adhuc integris membranis , si per caput venit , funiculus in uno latere collocandus , ibique digitorum extremitatibus retinendus , donec dolores caput in vaginam protrudant. Postea pro more perficitur partus. Si pedes offerat fœtus , aut situs illius sit perversus , eâdem praxi adhibitâ , partus est accelerandus.

Unam vel duas circum fœtûs collum convolutiones funiculum ducere rarum non est , & indè funestissima sequuntur accidentia , nempe uteri inversio ac infantis strangulatio : citiùs ergò huic succurrendum & ideò in situ horizontali collocatâ muliere , clunibus elevatis , demissoque corporis trunco , funiculi implicationes manu in uterum immisâ evolvendæ , posteaque partus absolvendus.

Membranæ fœtum involventes , ita non-nunquàm crassæ , ità validæ sunt , ut hujus conatus ruptioni sufficientes non sint , undè partûs mora. Accedat igitur obstetricantis manus , ruptionem unguibus operet , solum-modò verò tunc quandò dimidiam viæ partem jam superavit infans.

2°. *Partus a fœtu laboriosus.* Cùm infantis capitis & scapularum volumen majus est , ut facilis & perfecta sit in lucem editio , si caput offerat , facie inferiùs conversâ , dulciter & gradatim uteri orificium dilatandum , coccix repellendus , & precipuè vesicæ vacuum urinarum excretionem conciliandum. Dolorum vim attentè sequatur obstetricans & , datâ occasione , iis utatur ad citiorem scapularum exitum , & partûs definitionem. Si verò pedes occurrant , nociva tunc cunctatio : Partus est prope-

randus & ideo juxta praxim convertendus fortus ; ne per osium pubis proeminentiam moretur ejus mentum , dulcibus que conatibus extrahendus , donec viam subierint scapulæ ; omni autem opere tunc nitendum, ut scapulas proximè subsequatur caput , & postea perficiatur Partus.

Hydrocephalo vel abdominis hydrope quandoquè laborat infans, & hæc sunt signa primi hydropis speciei : depressum est caput & multò amplius quàm decet : futuræ, præcipuè verò *sagittalis*, multum à se invicem dehiscunt , & in medio mollissimæ , quòd magis in fontanellâ conspicuum. Abdominis hydrops judicatur, si egressis capite & scapulis , abdomen retineatur ; tunc, manu in uterum immisâ , ventris amplitudo , aquarumque volumen faciliùs persentiuntur ; in utroque casu , si viæ naturales & assuetæ partui nil proficiant , ad extrema recurrere est , nempè capitis aut abdominis aperturam. In hydrocephalo ergò, sinistrâ manu usque ad fontanellam in uterum immisâ , dextrâ intromittatur acus triquetra , in apice cereâ plumbâ instructa : ad fontanellam perventa, in eâ defigatur ; & relicta fistulâ , extrahatur ; tunc evacuentur aquæ : idem ferè sic gerere est in abdominis hydrope. His autem in casibus & adjunctis, semper primò baptizandus infans.

An monstrosus sit , agnitu sæpè difficilis. Sola attentio diligensque pervestigatio , digitorum tactu adjuta , membranis dilaceratis, deformitatem , si adsit , testificari possunt. Eâdem cæterum , quæcumque sit , detectâ , portenti ad expulsionem omnes vires tentandæ , cunctaque jam proposita media adhibenda. His irritis , monstrum in utero manu vel instrumentis per partes & paulatim incidendum , singulæque separatim extrahendæ.

Duplici modo partui nocent gemelli. 1°. Quandò sub graviditatis fine venientes , retroversioni invicem inter se obstant, ita ut

unus vel alter ; vel ambo malum habeant situm. 2°. Quandò ad viam ambo sese offerunt , vel saltem quædam adsunt membra, undè difficilis ; invitâ oblatione prosperâ ; extractio. Si geminationem agnoverit obstetricans, illius fœtus qui foràs prodit exitum primùm moliatur. Quandò infantem sequetur placenta, duobus transversis digitis ligato funiculo umbilicali, secetur, & extrahatur placenta ; si verò utero adhæreat illa, caveat, propter hæmorrhagiam, indè dissolvere obstetricans : duplicem in funiculo instituat ligaturam, aliam propè infantis umbilicum, aliam longinquè, quatuor transversis digitis. Sectione deinde inter has duas ligaturas celebratâ, extractionem placentæ usque ad alterius infantis exitum differat. Aliquoriès verò per pedes vel perverso quodam situ in conspectum veniunt infantes ; tunc per pedes fiat eductio, prudentissimè autem & maximâ cum attentione, ne pedes manu obstetricantis comprehensi ejusdem & similis non sint infantis. Usquè ad clunes eo egresso, retrò ille vertendus, ut hujus inferior sit facies. Quo factò, plerumquè cum alio fœtu exeunt placentæ, vel harum facili negotio fit detractio & tunc absolvitur Partus.

3°. *Partus ex parte matris operosus.* Prima Partûs à matre laboriosi species ab uteri versûs vaginam obliquitate originem ducit. Modò enim retrò versûs lumbos vertitur, & tunc orificium ossa pubis spectat. Modò antrorsum divergitur, & tunc ad ossis sacri curvaturam, dirigitur ejus orificium. Aliàs in latera vel dextrum vel sinistrum directionem habet uterus, & tunc ad unum vel alterum latus ossa ilea spectat ejus orificium. Frequentior autem versio est posterior vel anterior. Quâcumque cœterum parte deviet uterus, Partus laboriosus. & interdum morosus est, præcipuè verò anteriori inversione datâ ; in hoc enim casu vanæ uteri contractiones, vani matris enixus. Ad rectum situm reducendus est ergo uterus, & idè, muliere supinâ, manum in vaginam introducere, altiùs eam dirigere, orificiumque directè

versus vaginam eâdem adducere ; dùm altera manus abdomen dulci modo premit , ad uteri perversam inflexionem mutandam ; quòd pluries repetendum , donec viam egressûs subeat infantis caput , posteaque more solito partus perficiendus. Hâc verò non sufficiente operatione , fœtus invertendus , & pedibus extrahendus : sic enim emendatur uteri deviatio , Partusque facili negotio peragitur. Positâ demùm uteri simul & infantis obliquitate , una & eadem est praxis.

Muscularem uteri contractionem præcipuam esse Partûs causam nemo nescit. Hâc autem debilitatâ , longior & difficilior fit Partus. Cum verò in hoc casu eadem inertia ad uteri orificium sicut & ad corpus pertineat , undè infantis egressui facilius cedit , minor quidem adest difficultas : Partus tamen tunc eò citiùs terminandus , quò cunctatione nimia ex uno momento ad alterum difficilior evadit. Inertia & mollitiei uteri orificii vitium oppositum est ejusdem duritias , densitas & compactio , vel in ejus periphæriâ cicatrix aut strangulatio , aut callositas. Agnitis autem faciliè his impedimentis , emollientes fomentationes , injectiones ejusdem naturæ , pessaria , vapores , unctiones ante partum multotiès in usum vocanda sunt. Instantibus autem doloribus , infantis situs quàmprimùm explorandus : si caput primùm in conspectum veniat , adjuvare tantùm satis est. Contrà verò si pedes priùs exoriantur , per eos fœtus in lucem educatur , quicumque sit illius situs. Eadem media simul & eadem adhibeantur cautiones , quandò aderit in vesicâ lapis vel tumefactæ hæmorhoides , vel in recto intestino tumor ; quibus in casibus maximè remittenda est vagina , & infantis egressus minimè consulendus.

Duabus tantùmmodò in circumstantiis , rarissimis quidè ; possunt nocere vaginæ vicia , 1^o. si membrana *hymen* dicta satis sit densa & crassa , ut fœtûs exitui obsistat. Curare tam faciliè quàm dignoscere hoc vitium : sufficiat membranam obstantem

duabus incisionibus cruci-formibus secare , & in aperturam pef-
farium linteo *unguento matris* illito indutum introducere ,
ne incisæ partes adhæſionem novam inter se pacifcantur. 2º.
Quandò in vaginæ longitudine parietes adversæ ita invicem co-
herent , ut cavitas ferè tota deleatur , undè fœtûs emissio impos-
ſibilis (1). In hoc casu si per graviditatem uteri auctorem non
sequatur vaginæ dilatatio, auxilia modò descripta sunt adhibenda,
& his in vanum impensis; adhæſiones , si possibile sit , ſepa-
randæ , vel tanquàm ultima salutis anchora , ſectio *cæſarea* dicta
celebranda.

Cavitatem *pelvim* insignitam ipſorum unione efformant ossa
innominata atque os sacrum; quandiù uterus inanis est, his os-
sibus limitatur. Pro graviditatis autem tempore hæc superat &
in ipſo vel tertio vel quarto mense solum collum , solum uteri
orificium in hâc cavitate remanserunt. Exindè puer vel ejici vel
extrahi debet. Hujus ergò viæ aspera loca , hiatus difficiles probè
perſcrutetur obſtetricans. In ſuperiorem & in inferiorem diſ-
tinguitur pelvis & unaquæque lineâ circumſcriptâ. Multiplici vitio
ſive diverſâ & malâ conformatione peccare poſſunt ossa pelvis.
Modò enim ſuperior ossis ſacri convexitas nimiùm in pelvis cavi-
tate proeminet, & ſimul ossa pubis, quæ plerumque extùs proemi-
nere debent, humilia ſunt intùs atque etiam convexa. Quo in
casu , os sacrum inter & ossa pubis via ſuperſtes ita anguſtatur,
ut vix & ſæpiſſimè nunquàm per eam egredi poſſit infans. Modò
longior minùſque intùs curvata ossis ſacri apex, longior quoque
coccyx, nimis inflexus ac reſuſus , iſchiorum quoque tuberoſitates

(1) Hujus vitii exemplum adest in Academ. Reg. Scient. Paris. *Hiſtor.* anno
1712 , pag. 37 & 38. Naturâ ſolâ ſuccurrente, perfectus fuit Partus. Alia
ſimilis extat obſervatio in ejusdem Academ. *Hiſtor.* anno 1748 , naturâ
quoque ſolâ agente. Tertiam tandem haud abſimilem legere eſt obſervationem
in *Riolani Anthropographiâ*, Lib. II, Cap. 35. Undè concludendum in his
caſibus multò magis à naturâ quàm ab arte ſperandum eſſe.

longiores, ampliores & curvaminibus vitiosis donatæ; undè inter hæc ossa multo angustior via superest, quàm ut Partus naturalis fieri queat.

In priori conformatione pravâ, idest, superioris pelvis angustia, omnes ingenii nervos & dexteritatis auxilia contendere debet obstetricans, ut Partus per vias naturales fiat. Antea-quàm intrò-pellatur caput, in alter-utrum latus facies inferiùs sese offerens vertenda, ad viam obrinendam faciliorem, cum ab aure ad aliam angustius sit caput, quàm à posteriori parte ad anteriorem. Eadem de ratione, egresso capite, viæ concinnandæ sunt scapulæ & postea extrahendæ. His autem in cavitate infixis, ita ut neque progredi neque retrò ire possint, ad forcipem curvatam clarissimi M. *Levret* recurrendum, cujus ope tales Partus nonnunquam fuerunt absoluti. Si, licet maximâ cum peritiâ admotum fuerit instrumentum, nihil obtinuerit Chirurgus obstetricans, crudele quidem, sed necessarium & unicum restat auxilium, nempe foetus jam mortui in partes divisio, singularumque seorsim extractio.

In posteriori malâ conformatione, id est, inferioris pelvis angustia, minus est periculum, & partum arte perficiendi spes quædam elucet. Quare cœcyx extus propellendus, via butyro aut oleo maximè lubrefacienda, solerter obstacula removenda, digitus sub axillam intromittendus, & eo duce, infans educendus. Si inutiles sint hi conatus, forceps applicandus, cujus in hoc casu usus facilior & utilior. Notandum verò in hoc Partu duo auxilia naturam proferre, licet sæpè insufficientia, nempe, 1°. ossium ileorum divisionem, undè via pelvis paulò largior; 2°. facilitatem quâ caput infantis viæ paratæ sese accommodat, propter suturarum & ossium cranii flexibilitatem, undè via si rotunda sit, sed angusta, rotundum & longius sit caput, depressum autem & longius, si via angusta sit & humilis.

In omni generatim, quæcumque sit, malâ pelvis conforma-

tione cuncta artis media, omnes naturæ vires in usum vocanda; antea-quàm celebretur sectio cæsarea. Hâc autem absolutè necessariâ & solâ salutis anchorâ judicatâ, huic noviter edita operatio, *sectio nempe symphysis pubis*, anteponenda necne? Adhuc sub iudice lis est. Experientia sola hanc dirimere potest. Una & altera observatio non sufficiunt. Plurimæ in medium proferendæ, & donec tam numero quàm fidelitate probaverint symphysis pubis sectionem non modò utilem, sed etiam quibusdam in casibus sectioni cæsareæ anteponendam esse, posteriori huic operationi fixâ mente semper adhæreat Chirurgus, artis suæ & humanitatis amicus.

Plurima sine dubio adhuc de Partu dicenda forent; ad materiam tam arduam, tam immensam complendam: maxima verò adest differentia inter programma certis circumscriptum limitibus, & dissertationem de totâ arte expressam; hîc ergò imponamus finem, indulgentiam pro deficientibus petiti.

F I N I S